



# ԿՐԹՈՒԹՅՈՒՆ

ՊԱՐԶԵՑՎԱԾ ԲՅՈՒՋԵ - 2026

Սույն հրապարակումը մշակվել է Եվրոպական միության ֆինանսական աջակցությամբ, «Իրավաբանների հայկական ասոցիացիա» ՀԿ-ի, «Տնտեսական զարգացման և հետազոտությունների կենտրոն» ՀԿ-ի և «Ագորա Սենթրլ Յուրոփ» ՀԿ-ի (Չեխիա) հետ համագործակցաբար գործարկվող «Բյուջեներ քաղաքացիների համար» ծրագրի շրջանակներում: Բովանդակության համար պատասխանատվություն է կրում «Բյուջեներ քաղաքացիների համար» ծրագիրը, և պարտադիր չէ, որ այն արտահայտի Եվրոպական միության տեսակետները:

Հրապարակումից օգտվելիս պատշաճ հղումը պարտադիր է

---

## ԲՈՎԱՆԴԱԿՈՒԹՅՈՒՆ

Օգտագործված հապավումներ	4
Ընդհանուր ակնարկ	5
Կրթության ոլորտի բյուջեն	7
Կրթության ոլորտի բյուջեի աճ	8
Կրթության ոլորտի բյուջետային ծրագրեր	9
Կրթության ոլորտի արդյունքային ցուցանիշներ	13

# ՕԳՏԱԳՈՐԾՎԱԾ ՀԱՊԱՎՈՒՄՆԵՐ

ԵՄ	Եվրոպական միություն
ԵԽ	Եվրոպայի խորհուրդ
ԿԳՄՍՆ	Կրթության, գիտության, մշակույթի և սպորտի նախարարություն
ՀՀ	Հայաստանի Հանրապետություն
ԲՏՃՄ	Բնագիտություն, տեխնոլոգիա, ճարտարագիտություն և մաթեմատիկա
ՀՆԱ	Համախառն ներքին արդյունք
մլն	միլիոն
մլրդ	միլիարդ

## ԸՆԴՀԱՆՈՒՐ ԱԿՆԱՐԿ

**Կրթության ոլորտի բոլոր ծրագրերը, բացառությամբ տարբեր գերատեսչությունների կողմից իրականացվող մասնագիտական վերապատրաստումների և կարողությունների բարելավման ներուլորտային/գերատեսչական ծրագրերի, իրականացվում են ՀՀ կրթության, գիտության, մշակույթի և սպորտի նախարարության (ԿԳՄՍՆ) կողմից:**


- Ըստ ՀՀ կառավարության 2026 թվականի բյուջետային ուղերձ-բացատրագրի՝ կրթությունը շարունակում է դիտարկվել որպես մարդու հիմնարար իրավունք և պետական քաղաքականության կարևոր ուղղություն, որի շրջանակում պետության պարտավորությունն է ապահովել համընդհանուր, հավասարապես հասանելի, ներառական և որակյալ կրթություն:
- Կրթությունը մարդու հիմնարար իրավունքն է, և պետության պարտավորությունն է ապահովել համընդհանուր հավասարապես հասանելի, ներառական և որակյալ կրթություն: Հայաստանում կրթության ոլորտը կարևորվում է՝ որպես երկրի կայուն առաջընթացի, մարդկային կապիտալի վերարտադրության ու զարգացման նախապայմաններից մեկը, ուստի այն դասվում է կառավարության ծրագրի գերակայությունների շարքում:
- 2026 թվականի ընթացքում նախատեսվում է շարունակել կառավարության 2021-2026 թվականների ծրագրից և ՀՀ կրթության մինչև 2030 թվականի զարգացման պետական ծրագրից բխող գործողությունների ծրագրով սահմանված միջոցառումները:
- Կրթության ոլորտի գլխավոր հիմնախնդիրը կրթական համակարգի բոլոր մակարդակներում կրթության հասանելիության, որակի և արդյունավետության բարձրացումն է, դրանց համապատասխանեցումը միջազգայնորեն ընդունված չափանիշներին, մատչելի, ներառական և հասանելի կրթության ապահովումը բնակչության բոլոր խավերի համար: Այդ նպատակներին հասնելու համար շարունակվելու են իրականացվել մեծածավալ ծրագրեր՝ կրթական բոլոր մակարդակներում:
- Սույն պարզեցված ուղեցույցում կրթության ոլորտի բյուջեն նույնականացվել է կրթության և գիտության ոլորտում իրականացվող բոլոր բյուջետային ծրագրերի ծախսերի հանրագումարի հետ:

## ԸՆԴՀԱՆՈՒՐ ԱԿՆԱՐԿ

- 2026 թվականի պետական բյուջեն նախատեսվել է եկամուտների գծով 3,090.9 մլրդ դրամ, ծախսերի գծով 3,627.6 մլրդ դրամ և դեֆիցիտի գծով 536.8 մլրդ դրամ կամ համապատասխանաբար ՀՆԱ-ի 25.9, 30.4 և -4.5 տոկոսը:
- Կրթության ոլորտին 2026 թվականին կուղղվի 383.0 մլրդ դրամ, որը նախորդ տարվա համեմատ կավելանա 58.2 մլրդ դրամով կամ 17.9 տոկոսով:
- ՀՆԱ-ի նկատմամբ կրթության ծրագրերին ուղղված ծախսերի կշիռը 2026 թվականին կկազմի 3.2 տոկոս՝ 2021-2025 թվականների 2.4 տոկոս միջին մակարդակի պայմաններում, իսկ պետական բյուջեի ընդամենը ծախսերի նկատմամբ՝ 10.6 տոկոս՝ նախորդ 5 տարիների 8.5 տոկոս միջին մակարդակի պայմաններում:
- 2021-2026թթ. կրթության ծրագրերի ֆինանսավորման միջին տարեկան աճը կազմում է 10.6 տոկոս և զիջում է նույն ժամանակահատվածում պետական բյուջեի ընդամենը ծախսերի միջին տարեկան աճը 0.8 տոկոսային կետով:
- Կրթության ոլորտում պետական քաղաքականությունը 2026-ին կիրականացվի 15 բյուջետային ծրագրերի միջոցով:
- Կրթական ծրագրերի շարքում ֆինանսավորման ծավալով առաջատարը «Հանրակրթական և նախադպրոցական ծրագրերի հաստատությունների հիմնում, կառուցում, բարելավում» ծրագիրն է, որին հաջորդում են «Հանրակրթության», «Գիտական և գիտատեխնիկական հետազոտությունների», «Կրթության որակի ապահովում» ծրագրերը: Այս ծրագրային ուղղությունները միասին կապահովեն ոլորտի ֆինանսավորման աճի մոտ 85.5 տոկոսը:


# ԿՐԹՈՒԹՅԱՆ ՈԼՈՐՏԻ ԲՅՈՒՋԵՆ

Աղբյուրը՝ ՀՀ ֆինանսների նախարարություն



- 2026 թվականին կրթության ոլորտում իրականացվող ծրագրերին կուղղվի 383.0 մլրդ դրամ, որը նախորդ տարվա մակարդակը գերազանցում է շուրջ 58.2 մլրդ դրամով կամ 17.9 տոկոսով: 2026 թվականին կրթության ֆինանսավորման ծավալները 2020 թվականի մակարդակը կգերազանցեն մոտ 2.5 անգամ:
- Պետական բյուջեի ընդամենը ծախսերի նկատմամբ կրթության ոլորտի բյուջետային ծախսերի կշիռը 2026 թվականին կկազմի 10.6 տոկոս՝ 2025 թվականի 9.8 տոկոսի և 2020-2025 թվականների շուրջ 8.4 տոկոս միջին մակարդակի պայմաններում: Սա վկայում է, որ կրթության ոլորտի մասնաբաժինը պետական բյուջեի ծախսերում 2026 թվականին շարունակում է աճել: 2021-2026 թվականներին կրթության բյուջե/բյուջետային ծախսեր հարաբերակցության միջին մակարդակը կկազմի 11.5 տոկոս:

Աղբյուրը՝ ՀՀ ֆինանսների նախարարություն





- Կրթության ծախսերի միջին տարեկան աճը գերազանցում է պետական բյուջեի համապատասխան ցուցանիշը: 2021-2026 թվականներին պետական բյուջեի ընդամենը ծախսերի միջին տարեկան աճը կկազմի 11.5 տոկոս՝ կրթության բյուջեի 16.9 տոկոս մակարդակի պայմաններում: Արդյունքում, կրթության ոլորտի տարեկան միջին աճի տեմպը 5.4 տոկոսային կետով կգերազանցի պետական բյուջեի ընդամենը ծախսերի միջին տարեկան աճին:
- ՀՆԱ-ի նկատմամբ կրթության ծախսերը 2026 թվականին կկազմեն 3.2 տոկոս՝ նախորդ տարվա 3.0 տոկոսի համեմատ աճելով 0.2 տոկոսային կետով: Այսպիսով, 2026 թվականին կրթության ոլորտի ֆինանսավորումը ոչ միայն անվանական արտահայտությամբ է աճում, այլև ավելանում է դրա կշիռը ինչպես պետական բյուջեի ընդհանուր ծախսերում, այնպես էլ ՀՆԱ-ի նկատմամբ:

# ԿՐԹՈՒԹՅԱՆ ՈԼՈՐՏԻ ԲՅՈՒՋԵԻ ԱՃԸ

- Կրթության ոլորտի ֆինանսավորման ծավալները 2021-2025թթ. դրսևորել են կայուն բարձր աճի տեմպեր: Գծապատկերում ընդգրկվել են այն ոլորտները, որոնք ունեն համեմատաբար բարձր կշիռ:
- Ըստ գործառական դասակարգման կրթության ոլորտը 2026 թվականին կկազմի 9.9 տոկոս և զիջում է սոցիալական պաշտպանության և պաշտպանության ոլորտներին:

- Ստորև գծապատկերից երևում է, որ 2026 թվականին կրթության ծախսերի աճը 2025 թվականի համեմատ կկազմի 11.9 տոկոս և երկրորդն է ընտրված ոլորտների աճերի համեմատությամբ: Նկատենք, որ 2024-ին կրթության ծախսերի աճը, մյուս ոլորտների համեմատ եղել է առաջատար:



# ԿՐԹՈՒԹՅԱՆ ԲՅՈՒՋԵՏԱՅԻՆ ԾՐԱԳՐԵՐ

Կրթության ոլորտում պետական քաղաքականությունը 2026-ին կիրականացվի 15 բյուջետային ծրագրերի միջոցով:

ԴԱՍԻՉ	ԾՐԱԳԻՐ	2025 մլն դրամ	2026 մլն դրամ	2026 %	2026/2025 %
<b>ԸՆԴԱՄԵՆԸ ԿՐԹՈՒԹՅԱՆ ՈԼՈՐՏԻ ԲՅՈՒՋԵ</b>		<b>324,855.5</b>	<b>383,020.9</b>	<b>100.0</b>	<b>17.9</b>
1045	Մասնագիտական կրթության և ուսուցման ծրագիր	13,541.1	16,414.1	4.3	21.2
1111	Բարձրագույն և հետբուհական մասնագիտական կրթության ծրագիր	13,563.4	13,331.5	3.5	-1.7
1130	Կրթության, գիտության, մշակույթի և սպորտի բնագավառի պետական քաղաքականության մշակում, ծրագրերի համակարգում և մոնիտորինգ	2,087.5	1,884.4	0.5	-9.7
1146	Հանրակրթության ծրագիր	136,310.7	139,719.7	36.5	2.5
1148	Արտադպրոցական դաստիարակության ծրագիր	3,726.3	4,008.7	1.1	7.6
1162	Գիտական և գիտատեխնիկական հետազոտությունների ծրագիր	30,009.1	27,296	7.1	-9.0
1183	Ապահով դպրոց	1,696.7	836.7	0.2	-50.7

Աղբյուրը՝ ՀՀ ֆինանսների նախարարություն


# ԿՐԹՈՒԹՅԱՆ ԲՅՈՒՋԵՏԱՅԻՆ ԾՐԱԳՐԵՐ

Աղյուսակի շարունակություն

ԴԱՍԻՉ	ԾՐԱԳԻՐ	2025 մլն դրամ	2026 մլն դրամ	2026 %	2026/2025 %
1192	Կրթության որակի ապահովում	18,276.9	19,536	5.1	6.9
1189	Դպրոցների սեյսմիկ անվտանգության մակարդակի բարձրացման ծրագիր	14,650	8,706.3	2.3	-40.6
1193	Համընդհանուր ներառական կրթության համակարգի ներդրում	3,594.3	4,045.3	1.1	12.6
1215	Կրթության, մշակույթի և սպորտի ոլորտներում միջազգային և սփյուռքի հետ համագործակցության զարգացում	2,087.5	1,884.4	0.1	-9.7
1227	Կրթության ոլորտում տեղեկատվական և հաղորդակցական տեխնոլոգիաների ներդրում	923,571.1	876,658.8	0.2	-5.1
1236	Հանրակրթական և նախադպրոցական հաստատությունների հիմնում, կառուցում, բարելավում	100,787.4	140,922.7	36.8	39.8
1238	Նախադպրոցական կրթություն	3,017.4	1,883.7	0.5	-37.6
1240	Ակադեմիական քաղաքի ստեղծում	1,316.5	4,966.4	1.3	277.3

Աղբյուրը՝ ՀՀ ֆինանսների նախարարություն

# ԿՐԹՈՒԹՅԱՆ ԲՅՈՒՋԵՏԱՅԻՆ ԾՐԱԳՐԵՐ



- Կրթության ոլորտի ամենամեծ բյուջետային ծրագիրը Հանրակրթական և նախադպրոցական հաստատությունների հիմնում, կառուցում, բարելավում ծրագիրն է, որը 2026 թվականին կկազմի Կրթության ոլորտի 36.8 տոկոսը:
- Հաջորդում են Հանրակրթության ծրագիրը՝ 36.5 տոկոս, Գիտական և գիտատեխնիկական հետազոտությունների ծրագիրը՝ 7.1 տոկոս և Կրթության որակի ապահովում ծրագիրը՝ 5.1 տոկոս:
- Ընդհանուր առմամբ, նշված ծրագրերը 2026 թվականին կապահովեն կրթության բյուջեի 85.5 տոկոսը:

# ԿՐԹՈՒԹՅԱՆ ՈԼՈՐՏԻ ԲՅՈՒՋԵՏԱՅԻՆ ԾՐԱԳՐԵՐ

## Ռեկորդային աճ և ռազմավարական նախագծեր



### Ակադեմիական քաղաքի ստեղծում՝ +277.3% աճ

Ամենաբարձր աճը գրանցվել է «Ակադեմիական քաղաքի ստեղծում», որտեղ 2026թ. բյուջեն աճել է 277.3%-ով՝ 1.3 մլրդ դրամից դառնալով մոտ 5.0 մլրդ դրամ:



### Կրթական ենթակառուցվածքների հզորացում

Հանրակրթական և նախադպրոցական հաստատությունների հիմնում, կառուցում, բարելավում ծրագրի ֆինանսավորումը 2026թ. կաճի 39.8%-ով:



### Մասնագիտական կրթության և ուսուցման ծրագիր

Մասնագիտական կրթության և ուսուցման ծրագրի ծրագրի բյուջետավորումը 2026թ. -ին կաճի 21.2%-ով:

## Բյուջետային կրճատումներ և նվազումներ



### Ապահով դպրոց՝ -50.69% նվազում

Ապահով դպրոց (1183) ծրագրի բյուջեն նվազել է՝ 1,7 մլրդ դրամից դառնալով 836,6 միլիոն դրամ:



### Դպրոցների սեյսմիկ անվտանգություն՝ -40.6%

Դպրոցների սեյսմիկ անվտանգության մակարդակի բարձրացման ծրագիր 1189 ծրագրի բյուջեն 2026թ. նվազել է 40.6%-ով՝ կազմելով 8.7 մլրդ դրամ:



### Նախադպրոցական կրթություն


Նախադպրոցական կրթություն ծրագրի բյուջեն նվազել է 37,6%-ով:

## Կրթության բյուջետային ծրագրեր 2025-2026թթ. (տոկոս)

Դասիչ	Կրթության ոլորտի ծրագրեր	2026/2025 %
1240	Ակադեմիական քաղաքի ստեղծում	277.2
1236	Հանրակրթական և նախադպրոցական հաստատությունների հիմնում, կառուցում, բարելավում	39.8
1045	Մասնագիտական կրթության և ուսուցման ծրագիր	21.2
1193	Համընդհանուր ներառական կրթության համակարգի ներդրում	12.5
1148	Արտադպրոցական դաստիարակության ծրագիր	7.5
1192	Կրթության որակի ապահովում	6.8
1215	Կրթության, մշակույթի և սպորտի ոլորտներում միջազգային և սփյուռքի հետ համագործակցության զարգացում	2.9
1146	Հանրակրթության ծրագիր	2.5
1111	Բարձրագույն և հետբուհական մասնագիտական կրթության ծրագիր	-1.7
1227	Կրթության ոլորտում տեղեկատվական և հաղորդակցական տեխնոլոգիաների ներդրում	5.1
1162	Գիտական և գիտատեխնիկական հետազոտությունների ծրագիր	-9.0
1130	Կրթության, գիտության, մշակույթի և սպորտի բնագավառի պետական քաղաքականության մշակում, ծրագրերի համակարգում և մոնիտորինգ	-9.7
1238	Նախադպրոցական կրթություն	-37.6
1189	Դպրոցների սեյսմիկ անվտանգության մակարդակի բարձրացման ծրագիր	-40.6
1183	Ապահով դպրոց	-50.7

# ԿՐԹՈՒԹՅԱՆ ՈԼՈՐՏԻ 2026 ԹՎԱԿԱՆԻ ԱԿՆԿԱԼՎՈՂ ԱՐԴՅՈՒՆՔԱՅԻՆ ՑՈՒՑԱՆԻՇՆԵՐ


Հանրապետական և Միջազգային առարկայական օլիմպիադաների թիվ




Կրթական հաստատությունների աշակերտներին դասագրքերով ապահովում, դասագրքերի թիվ




Ինժեներական լաբորատորիաներում գործող խմբերի թիվ




Կրթաթոշակ ստացող ուսանողների թիվ, մարդ



Տրանսպորտային ծախսերի փոխհատուցում ստացող դպրոցահասակ երեխաների և մանկավարժների թիվ




Որակավորման տարակարգ ստացած ուսուցիչների թիվ




Հանրապետական օլիմպիադաների եզրափակիչ փուլերի հաղթողների և միջազգային օլիմպիադաների եզրափակիչ փուլերի մասնակիցների թիվ



ՀՀ բոլոր ուսումնական հաստատություններում ԲՏՃՄ առարկաներ դասավանդող ուսուցիչների թիվ




Ատեստավորմանը ընթացիկ տարում մասնակցած մանկավարժական աշխատողների թիվը, մարդ



# ԿՐԹՈՒԹՅԱՆ ՈԼՈՐՏԻ 2026 ԹՎԱԿԱՆԻ ԱԿՆԿԱԼՎՈՂ ԱՐԴՅՈՒՆՔԱՅԻՆ ՑՈՒՑԱՆԻՇՆԵՐ

Կառուցվող և վերակառուցվող մանկապարտեզների թիվ




Կառուցվող մոդուլային և ոչ մոդուլային դպրոցների թիվ



ՀՀ-ում կրթական որակյալ ծառայությունների հասանելիության ապահովման ծրագրի շրջանակներում կառուցվող մոդուլային և ոչ մոդուլային դպրոցների թիվ




Կրթական որակյալ ծառայությունների հասանելիության ապահովման ծրագրի շրջանակներում կառուցվող կլաստերների կենտրոն-դպրոցների թիվ




Վերակառուցվող դպրոցների




Կրթական որակյալ ծառայությունների հասանելիության ապահովման ծրագրի շրջանակներում կառուցվող դպրոցների թիվ



ՀՀ-ում կրթական որակյալ ծառայությունների հասանելիության ապահովման ծրագրի շրջանակներում հիմնանորոգվող / վերանորոգվող դպրոցների թիվը



Դպրոցների լաբորատոր գույքով և կահույքով ապահովում



ՀՀ-ում կրթական որակյալ ծառայությունների հասանելիության ապահովման ծրագրի շրջանակներում կառուցվող կրթահամալիրներ



ԿՐԹՈՒԹՅՈՒՆ . ՊԱՐԶԵՑՎԱԾ ԲՅՈՒՋԵ - 2026



**B4C** | Budgets  
for  
Citizens  
Բյուջեներ քաղաքացիների համար

«Բյուջեներ քաղաքացիների համար» ծրագիր  
[budgets.am](http://budgets.am)